

# OMUKWE TU



50c

No. 9

ISBN 0-620-06828-0

## OMUMBISOFI GWONGELEKI ONKWA-LUTHER MUSOUTH AFRICA A TALELEPO NAMIBIA

**Omupresidende gwOraata yOongeleki muSouth Africa, South African Council of Churches (SACC), omumbisofi Manas Buthelezi, okwa talelepo Namibia 23.4.1989. Molweendo lwe okwa li pamwe naAmushangandjayi gwOraata yOongeleki ndhoka, omusita Frank Chikane. Eta-lelopo lyawo olya thikile sigo opOmbele-wangeleki pOniipa 24.4.1989.**

Omumbisofi Buthelezi okwa tseyitha kutya oya kundana onkalo yaNamibia miifo nomoonkundanana dhombepo kutya esiku 1.4.1989 moka okatokolitho 435 kligwanahangano ka tulwa miilonga, opo pu tamekwe ethimbo lyombili muNamibia, opwa tukulwa iita iidhigu, mbyoka ya yonagula oshindji noya piyaganeke nokweeta omaipulo maakwashigwana.

Okwa ti oya kala nokugalikanena oshigwana shika, noya tokola okuthikitha yoyene elaka lyawo lyomupendu. Mokuulika ekondjo enene ndyoka nayo wo ye li mulyo, okwa ti kutya

onkalo ndjika yi li nena muNamibia, oku wete oyo wo taa ka kala nayo moshilongo shawo mu-South Africa.

Okwa tsikile ta ti, mokutegamena egaluko lyaa-mwameme ya galukile koshilongo, haayehe we tatu ke ya mona, oshoka yamwe oya kanene nantango mekondjo ndika. Okwa ti shoka inashi teya omukumo mAanamibia, oshoka okwa shangwa: "Pe na okusiwa nokulilwa," opo mboka taa hupu po ya ka hokolole sho taa kala mombili.

"Mboka tamu lili aana yeni nena, eso lyawo kali shi lyiipundjamenye, ihe olyo emanya lyokulyatelela ko okuya memanguluko," osho a kumike iilyo yOongeleki. Okwa tsikile ta ti, eso lyawo otali yelekwa nolyaMoses ngoka a li a uvanekelwa evi lyeuvaneko, ihe okwa si manga inaa lyata mo. Shika otashi gandja omukumo kutya

Tala kep. 5

## ISHEWE OMUKIINTU NUUDHUGU WEVI NDIKA

Moshifo sha tetekele, mepandja ndika lyotango omwa li mwa holoka oshipala shomukulupe, ngoka a humbata uuwehame wethimbo ndika komutima. Otu na aavali oyendji ya tya ngeyi. Itatu mana nokuli oku ya yalula. Molufo nduka otu na ishewe okupulakena kuku gwaAkito. Ehokololo lye tala kepanja 4

Omwedhi Mai muNamibia numvo ogwa ningi gwetsakaneno nogwetaambathano kaanegumbo oyendji, konima yomimvo odhindji dhetopoko nodhehalakano. Shoka tashi ningwa omwedhi nguka pokati koofamili okuloololathana (Tala methano kolumoho), kape na ngoka kwa li te shi yaguma oomvula mbali, ndatu dha zi ko. Osha ningi oshiningwanima shophahistoli koshigwana shaNamibia.



Kuku Otilie Aktofel



# ONGELEKI ONKWAEVANGELI PALUTHER YOMU SWA/NAMIBIA (ELCIN)

No. 32/89

24.04.1989

**Ontumwafu yopausita ya zi komumbisofi gwa ELCIN Kleopas Dumeni. Oya nyolelwa omagongalo agehe noondjakulwambinga dhago adhihe, noya dhiladhililwa oshilyo kehe shOngeleki ndjika meni nopondje yaNamibia mboka ye li muudhigu omolwongalo yiita moshilongo shaNamibia.**

*Aamwatate muKristus Jesus:*

*"Esilohenda nombili naye mu indjipalele."*

Otandi mu nyolele ombapila ndjika opo ndi mu popithe noku mu tsa omukumo opo mu dhiginine eitaalo lyeni, nomu kale mwa hwama megalikano mokati kuudhigu mboka u li moshilongo shetu.

Atuhe otwa tseya kutya okuza 1 Apilili 1989, peha lyenyanyu okunyanyukilwa etulomiilonga lyokatokolitho kIigwanahangano 435 hoka ke li oshiningwanima shopahistoli muNamibia, okweeta ombili nemanguluko lyoshilongo, etango lyenyanyu olya siikilwa koshikogo oshiludhe sholuhodhi olunene muNamibia lwa gwedhela komaluhodhi ogendji goomvula odhindji dha pita.

Okuza esiku ndyoka aantu yaKalunga ayehe kumwe koombinga adhihe mbali Swapo naSouth Africa nayalwe ye vule 300 oya sile miita. Oye ndji wo oya ehamekwa noya lemanekwa. Omagumbo ogendji oga fikwa po. Omapiya nomaliko oga hanagulwa po kiita. Oomwenyo dhoshigwana odha ehamekwa notatu lili oosa dhiilyo yomagongalo getu nando inatu tseya omadhina gawo ayehe. Aantu yaKalunga oye li muudhigu

## Elaka lomupendu koshitai shaUkwanyama

**Oshoongalele shovafita, ovateoloxi novaevangeliste sha ongala mEngela eti 17 - 19 Apilili 1989 koshi yoshipalanyolo shoneudo "Hakeenghono, ndele okOmhepo yange" (Sak.4 : 6), osha didilika neudo lopamwe kutya, eteelelo lombili olo la li li na okweetwa ketulwomoiilonga la "UNSCR 435" mefiku laApilili, ola ka shituka oshilemo shilaula. Oita oyo oya eta ekanifo leemwenyo dihapu; osho yo enyone po lomaliko.**

Eteelelo loilyo yomaongalo etu noloshiwana shetu ola dengwa pedu koita ei yoshiningilewina. Oshoongalele osha didilika kutya ovakwaneongalo vetu, omu li metilo, momalimbililo nomekanifo lomukumo.

Omolwaashi oshoongalele osha tokola oku mu tumina omukanda wa sheywa, opo tu mu hekeleke, fye tu mu tse omukumo. "Efimbo letulomoiilonga lokatokolifo nolemanguluko laNamibia keli pu. Ondjila yemanguluko oi yadi omayoka neengadu, onghee otu na okwiilikana tu he na edimbuko". "Eilikano lohili lomuyuki otali dulu shihapu". (Jak . 5 : 16b).

Otwa hala mu kale natango mwa itavela muKalungakatatatu umwe. Ounyuni nande nau pindjale, nande nau litumbe pombada, fye itatu tila, osheshi otu na Omupopili.


"Kalunga oye oshili, kutya owii otau findika kouwa alushe. Nonande owii owa pangela ondjokonona yoshilongo shetu omido 105, Kalunga oye ota shingile epandja londjokonona yoshilongo shetu kombili nokemanguluko; ouwa otau findi owii". "Kaleni mu neyombamo mu tale exupifo li fike peni Omwene te li mu ningile nena eli. Omwene ote ke mu kondjela, nye mu nokukala mwa mwena filu" (Ex. 14 : 12 - 14)

*kau shi kutumbulwa ya fa Aaisraeli: "Israel okwa li muudhigu kaau shi okutumbulwa", Aatokolihapu 10:9.*

Otandi mu indile mu galikane mwa kola meitaalo: "Omuwa ninga shoka she ku opalela, shaa to tu hupitha nena", Aatokolihapu 10:15-16.

Otwa dhigupalelwa, onkee tu anekeni uudhigu mbuka koshipala shaKalunga. "Onda dhigupalekwa, nonda galikana, nda aneka uudhigu wandje koshipala shOmuwa. Onda galikana ngeyi, oshoka ondi na uudhigu noluhodhi", 1Sam 1:15,16. Shika osho oshinakugwanithwa shetu nena methimbo ndika.

Otandi mu thikithile oshili ndjika kutya, aakriste muuyuni auhe oye mu tumina omakundo, nokuholola omauvito goluhodhi noguudhigu pamwe natse. Oya uvaneke wo okukwatha moompito adhihe taa vulu nenge taa mono. Otu na aagalikaneni oyendji. Aakwaluther muuyuni auhe (LWF) noomwamemengeleki dhilwe muuyuni oye li pamwe natse. "Sho tu na oshikogo shoonzapo she tu kundukidha ngeyi", Heb. 12:1-2. natu kaleni twa kola meitaalo. "Omau-



**Omupashukili woshitayingeleki shaUkwanyama, omufita A. Kauling**

*djuu nando opo e li, kombuda otaa ka pwa — Ye mwenz ita efa nge." Ehangano 426:1-4.*

**UNTAG:**

Ongundu yIigwanahangano ndjoka ya thiki muNamibia "UNTAG", oye ya yi tu kwathe. Tu yi taambeni. Tu kaleni kumwe nayo noku-kwathathana nayo. Oye na wo omaunkundi nomauyengwi gawo. Otandi mu indile tu taambathani nayo, tu ya yakuleni moompumbwe dhawo.

Onawa ngele otatu ya egululile nomayakulo gopambepo. Oku ya hiya komalongelokalunga noku ya tolakela omolwomaudhigu gelaka. Oye ya oku tu kwatha. Elongelokumwe lyetu meni mokulalakanena ombili, uuyuku, oshili nemanguluko lyaayehe, nelongelokumwe lyetu Aanamibia na UNTAG, oyo oonkondo tadhi tu thikitha kesindano komukalo gwombili. Tu kaleni kumwe.

**Oohapu dhaKalunga kutse:**

Otandi mu dhimbulutha amatumbulo gomoohapu Oondjapuki: "Oshoka ongame ondi ku na, ndi ku kwathe nondi ku hupithe," Omuwa osho ta ti; Jer 15:20-21. "Omuwa okwa tumu ndje, ndi hunge oomwenyo dha nyanyagulwa," Jer 61:1,2; "Oku na tuu sha tashi nyenge Kalunga?" Gen. 18:14. "Ongame Omuwa tandi kala (omupangi) omwaaludhi gwoye", Exodus 15:26.

Omuwa Jesus Kristus komuntu e li muudhigu ote mu lombwele ta ti: "Esilohenda lyandje oye ku gwanena, oshoka oonkondo dhandje otadhi gwane pombanda muunkundi" 2Kor 12:9. Oohapu dhaKalunga nadhi kale omukumo nomukoleki gwetu esiku kehe, nomonkalo kehe tayi tu adha.

Onkee: "Kalunga ketegameno ne mu udhithe nyenyanyu alihe nombili omeitaalo, opo mu kale mwa gwana pombanda einekelo okoonkondo dhombepo Ondjapuki," Rom 15:13, oshoka "Hakoonkondo dhoye, aawe, okOmhepo yandje ayike," Sak 4:6; Omuwa osho ta ti.

*"Jesus Kristus Oye Omuwa."*

*Nomahalelo geitaalo lya kola*

*+K. Dumeni*

*Kleopas Dumeni*

*Omumbisofi gwa ELCIN*

## Oluhindo moshitopolwa shOwambo

Ongula yeti 19.4.1989 momukunda Ondjekela noshitopolwa shUkwanyama, omakaspeli aheyali, okwe uya ndele taa lyataula po omapiya omukunda. Omuhokololi ota ti, osha ningwa lwopo 9.00 wongula. Omikunda dikwao ngaashi Oshela, Epalala, Okatale nOmwandi wonhala nado oda monifwa oixuna momapiya.

Omaloli aa, apa a popya novanhu, otaa ti oshiwana vati osho tashi holeke SWAPO. Oudjuu woilya tai lyatwa po, owe tu ningila munene. Elyatepo lomapiya onghee la tamekele 17.4.1989 momikunda odo. Eshi otashi kala ngaha fiyo onaini?

**Omukundaneki**

# JESUS OMUWA GWETU

**Mokutameka okunyolela omagongalo ngeyaka gaheyali gomuAsia, Johannes okwa ningi ekundo lyopaukwatatu tali ti: "Silweni ohenda ne kale mu na ombili yaKalunga noyOmbepo Ondjapuki noyaJesus Kristus." Kalunga okwe mu popi nomadhiladhilo gopaTestamendi Ekulu sho ta ti: "Nguka oku li ko nokwa li ko note ya."**

Edhina lyaKalunga ngaashi e li pe Moses olyo: "Ongame ngu (2Mos 3:14)." Edhina ndika ngame ongame ngu, otali holola uukwaaluhe waKalunga. Kalunga ita hulu po nande, ihe ota kala aluhe sigo aluhe.

Oye etameko nehulilo lyaashihe shoka shi li ko. Ekundo otali tumbula wo Ombepo Ondjapuki meudho lyayo sho taku ti: "Oombepo ndhoka heyali dha kala poshipangelapundi she." Otwi itaala nohatu hempulula kutya Jesus Oye Omuwa gwetu, ihe momadhiladhilo getu okudhiladhila Jesus kehe gumwe polwe otashi vulika taku adhika eyooloko enene.

Moohapu ndhika, Ehol. 1:4-6, dha uthilwa Osoondaha yesiku etiyali (2) lyEgalikano otatu yelithilwa nawa Jesus Kristus nkene e li. Oye omuhokololi omudhiginini. Oshitya omuhokololi otashi ti omuhempululi.

MOmaevangeli otashi holoka nawa nkene Jesus a dhiginine oshili yeitaalo lye mokuhempulula Kalunga. Ina tengauka mokukoleka uukumwe we naKalunga ngoka e mu tumu kombanda ye. Okwa hempulula oshili yevaangeli lyoshilongo shaKalunga sigo okwaalelwa komushigakano.

Ina zimina nande okulunduluka mo mehalo lyaHe, ihe omo a kala sigo eso lyokomushigakano. Okwa popi noshili, okwi ihumbata noshili nokwa longo noshili (1Pet 2:22).

Otse aakriste otatu pulwa wo uudhiginini mokuhempulula Jesus. Oikuhempulula nenge okuhokolola Jesus otashi ti (okugama) okugama kuye nenge okuhokolola ombinga ye. Momatumbulo gonale sho Ongeleki ya li mokuhepekwa kaakesari aanankondo osha li oshinima oshidhigu okuhokolola nokuhempulula Jesus.

Kehe gumwe kuJesus a gandja ko omandhindhiliko, okwa dhipagwa ashike. Omoluudhigu wa tya ngaaka aakriste yamwe yi idhimbike Jesus noya gamuka ko kuye opo ya vule okukala nomwenyo. Uuna tse aakriste tatu hempulula kutya Jesus Oye Omuwa gwetu, otashi holola uukumwe wetu naYe nomuukumwe mboka otu na okukala mo twa kola kaatu na nande omatengauko.

Jesus oye omutango gwomaasi. Jesus Kristus okwa sile e ta yumuka. Eyumuko lye olyo oshinima shaKalunga mwene. Okwa yumudhwa koonkondo oonkumithi dhaKalunga mwene. Iniiyumudha ye mwene, ye ina yumudhwa kugumwe gwomaantu. Eyumuko lyaJesus olyo oshiningwanima inaashi ningwa nale mokati kaantu, nomolwoshinima shika Jesus ta ithanwa, omutango gwomaasi (1Kor 15:23).

Eyumuko ndika Jesus a ningilwa kuKalunga He, olya ningi po wo uyamba waantu ayeke mboka taa sile mokwiitaala, oshoka ootaali ayehe otaa ka yumudhwa moombila dhawo koonkondo dhaKalunga mwene (Rom. 8:11).

Jesus okwa yumudhwa tango, opo ootaali ye ayehe ya vule okuyumudhwa wo.

Jesus omupangeli gwaakwaniilwa ye. Konima yokuyumuka kwe okwa lombwele aalongwa ye a

ti: "Ongame onda pewa epangelo alihe nomegulu nokombanda ye (Mat. 28:18.)"

Sho a gwanitha po oshilonga shekulilo, Kalunga okwe mu yeke nokwe mu shunine uukalunga we moka a zile mo sho a kulukile kevi. Okwa ningi omupangeli gwaashihe nogwaayihe. Oonkondo adhihe muuyuni muka naanankondo ayehe ye oya tulwa koho yepxngelo lye, (Fil. 2:9-10).

Ootaali aakriste oya pewa okwiinekela muJesus Kristus nguka, oshoka oye emanya lyepopilo lyawo lya kola. Jesus ota lele egongalo lye nohole. Okwa kondjele ehupitho lyooitaali ye nokugandja po omwenyo gwe, opo e ya popile.

Jesus oye omusita ngoka kee na uutende nomwenyo gwe. Okwa kondjo sigo eso, opo a gamene ootaali ye. Jesus ngele oku ku hole ngeyi, ngoye ou li ngiini naye? Okuyona kwaAdam naEva okwa eta uulunde mokukalamwenyo kwaantu. Inapu kala nande ogumwe gwomaantu a vulu okwiiyapula kuulunde mbuka koonkondo dhe mwene.

Aantu ayehe oya kala owala aalunde naayoni yehalo lyaKalunga (Rom 3:12). Kalunga okwa tumu Jesus ngoka i iyamba mokusa nombinzi ye ya tika, opo ootaali ye ya kulilwe mo muulunde. Jesus oye omumangululi gwaantu ayehe muulunde wawo.

Ombinzi ye otayi opaleke omuntu kehe opo a ninge omuyuuki koshipala shaKalunga. Jesus oye Omukulili gwaantu ayehe. Ombinzi yaJesus oyo omagano ngoka aantu ayehe ye ga pewa kesilohenda lyaKalunga mwene, naanelago aantu mboka taa iyogele mo oondjo dhawo, mbala manga pe na esilohenda lyaKalunga.

Aahempululithitate naantu ayehe mboka haa imatulilwa oondjo kegongalo lyaKristus, otaa shilipaleke ethimbo ndika lyesilohenda lyaKalunga sho ombinzi yaJesus tayi kunguluka notayi yogo po oondjo dhaalunde, opo ya vule okukala aayuuiki koshipala shaKalunga.

## Ote ti po hwepo

**Esiku 26.12.1983 onda li nda gu noshihauto, e te mono oshiponga. Otwa li yane, ngame onda zile mo nda teka othingo. Oshihauto inashi tumwa we. Yakwetu yatatu oya kala nawa, konima omutitatu gwawo okwa ka hulitha moshiponga oshityali shoshihauto.**

Onda yakulwa miipangelo mOkahao, mOshakati nomOvenduka iikando yimwe. Okuza 1984 — 1987. Onda tameke te lala olupati okathimbo nokathimbo.

Momumvo 1988 — 89 otandi inyenganyenga nokulonga shoka te vulu. Enima ndika nda zala mothingo etitatu sho nda kulupitha po gaali. Otandi pandula Kalunga sho a aludha ndje muuwehame uudhigu, ngame tandi pandula sho Kalunga a gandja Ombepo maapangi, inaa undagula ndje nayi, yi idhidhimikile ndje nombili nonohole. Kalunga ne ya gwedheleko

Ehol. 1:4-6



Owa hempulula tuu oondjo dhoye u vule u mangululwe kuJesus nombinzi ye? Uulunde otau fala omuntu meso, ihe omuntu ngoka oondjo dhe dha dhimwa po, ota mono omwenyo gwaaluhe. Jesus Kristus oku li po omwiithani gwaantu ayehe ya ninge oonakulongela Kalunga.

Jesus okwa longo oshilonga oshinene muuyuni waantu sho kwe ya kutha mo muulunde nokwe ya yapula nombinzi ye nokwe ya ningi ihe aalongelikalunga aayuuiki. MuJesus Kristus ootaali oya ningi Israel oshipe, oshigwana oshiyamba shaKalunga.

Oshigwana sha tya ngaaka osha ninga po onkwaniilwa naasaasari yaKalunga. Mokati koshigwana sha tya ngaaka itamu uvika we iipwe niilonga iwinayi, oshoka osha ninga po oshilongelikalunga. Jesus nguka e tu hole, e tu mangulula moondjo nokwe tu ningi aasasari yaKalunga, oku shi okuhambelwa nokusimanekwa ngaashi Omuyapostoli Johannes e shi ningi wo.

Okwe tu longele iilonga iinene noyaaluhe. Omwenyo dhetu ngele odhi na epandulo okupandula Jesus, nena otatu idhilike uulunde nuwinayi auhe tu longele Kalunga iilonga iwanawa sigo Jesus Kristus ota galuka e tu pe ondjambi yomwenyo gwaaluhe.

Hempulula ano Jesus moohapu dhoye, miilonga yoye nomokukalamwenyo kwoye, opo u pe we oshishani shomwenyo Omuwa e shi uvanelakela mboka ye mu hole (Jak. 1:12).

**E. Niinkoti  
Nakayale — Ombalantu**

ishewe momayakulo gawo.

**Irja Nepolo Enkali  
Oluteyi**



Irja Enkali

# OUKUMWE WONGELEKI MOKATI KOMASHILAFANO NEEVETA DOKATONGOTONGO



Omusita H. Becker ngoka a ningi evivitho moshigongi shoka esiku lyetameko

## Omimvo 16 ina longa we iilonga yolupolo megumbo

**Ombelewa yOmukwetu oya li ye eguluka ngaashi shito. Amushanga gwOmukwetu naye siku ndyoka omo a adhika poshitaafula okulongekidhila iilonga yesiku. Ponda siku ndyoka okamvula oka li taka nyaganya noka shitulula ombepo yoshikufuthinge yi kale tayi eta okazimba okawanawa.**

Omukulupe okuuluka meelo lyombeleva ta henyanya. Onda dhimbulula, kutya ehenyeno kali shi ashike ngiika lyuukokele, shila ope na wo sha shilwe. "Ongamē Ottilile Aktofel, puElim. Kaana ngweye ngaashi wa tala ndje ngeyi, itee vulu, onda ningi omimvo nda ala nondi li miipangelo sigo onena," osho i itseyitha kOmukwetu mbala manga inaa ya mushono she mu enditha.

Mokapule konawa omo Omukwetu a mono uuyelee, kutya ekonakono lyopaunamiti mOvenda 1987 omo mwa dhimbululwa nkene omukulupe ngoka a kala nani nomasipa gaali ga tenda omisa nokambale kongolo ka tatuka. Oshiponga omukulupe ote shi dhimbulukwa nawa, kutya osha zile aniwa 22.5.1973, manga yi ile okupulakena epangulo lyomulongi omukwawo pethimbo ndiyaka, Johannes Nangutuuala, pOndangwa.

Omusamane Nangutu okwa li ta pangulwa ethimbo ndyoka, pamwe nooyakwawo yatatu, John JaOtto; Andreas Nuukwawo naJimmy Amupala, aniwa oya ningi oshigongi inaashi ziminwa koveta yiigongi yopethimbo ndyoka No. R17/1972 3 (7).

Ehangano lEengeleki eenghwaLuther mombuwanhu waAfrika (FELCSA), odi ile okuhepaulula oukumwe wado muNamibia omo la ningila omutumba walo woshongalele oshiti 11, mOngwediva 24-28.4.1989. Pefimbo lomutumba ou, Ovakwaluther ava ova mona oliimati yekondjo laNamibia, eshi va mona nomesho ovakwaita voPlan, tava yandjwa ketanga laUntag, opo va findikilwe kuAngola konima yomalwoodi mapyu okudja Apilili 1.

Ekondjo laNamibia ola yuka komesho, osho sha leshwa momishangwa doshoongalele eshi. Eengeleki nadi yambuke okukwafa oshiwana shaNamibia meemhumbwe dasho nakuyambidida Ongeleki omu i dule okutambula ovaalukili keumbo, osho oshoongalele sha kumaidafana.

Omupresidende wEhangano eli, omufita Martin J. Wessels, mehpu loilonga yaye, okwa lombwela oshoongalele, kutya onghalo yopapolitika noyomaxupilo mombuwanhu waAfrica oshinima lela shi etifa onghenda. MuSouth Africa omo oveta yokange-

djo tai longo paife omudo omutitatu, onghalo paife otai shongola. Ongeleki noshongalele osha pumbwa okumona omukalo nondjila okudjambula po Eengeleki edi tadi nyengwa koiaxupilo, sha dja menaipaleko longhala.

Moshongalele eshi shopahistoli, eshi lwotete sha tambulwa omweenda wOngeleki yaELCIN, omupresidende okwa twikila, kutya eshilafano pokati kaTranskei naCiskei ola etela yo nEengeleki domoitukulwa oyo oupyakadi. Eengeleki muBotswana, Malawi naZimbabwe nado otadi hepa nai komaxupilo, muSouth Afrika omu tu li, natango ongashikwao. Napu kongwe omukalo wokupita momaupyakadi aa, osho a indila oshoongalele.

Ehangano eli ola dikwa 1966, omo Ongeleki yaELCIN i li oshilyo. Ohali ongala omudo omutitatu keshe nomehangano eli mwa dja oprograma yehongo lopakriste meefikola dOshoondaxa nomakoleko. Omiliyona 1,29 odi li oilyo yEhangano eli, oshitukulwa shimwe shomeemiliyona 50 doshiwana ashishe shomuAfrika.

Ehangano otali hepa komhumbwe youkumwe mulovene nosho yo momudingonoko aushe omo tali longo. Hamushangandjai wopakafimbo mehanganano eli, omufita F. Gratz okwa tumbula mehokololo laye momutumba ou ta ti:

"Eitavelo lovakriste vetu ngeenge itali dulu okukandula po oumbada ou u li mOvatilyane okutula ovalaule nou. li mOvalaule Okutula eendunge dOvatilyane, ohatu teeleele hano ngahelipi oiwana yetu i ekeleshi okatongotongo, yo i dike emanguluko la wana ouyuki nombili?"

Nande inapa dikwa mangha Ongeleki imwe aike mombuwanhu waAfrica, Hamushanga Gratz okwa teeleele oukumwe wongudu ei u liholole momashakeno ovakulunhu vo-maongalo, movanyasha, momatalelafanepo oilyongeleki nomomalongelokalunga.

"Ohadi shiivi Eengelekishilyo amushe, kutya eitavelo olo tu kwete muKristus umwe, nali tu taulukife eengaba adishe fye tu hepaulule oukumwe wopakriste," osho omupresidende Wessels a endulula eindilo laye komutumba oo.

Sebulon Ekandjo



Kuku Ottilie Aktofel

Manga aantu yomatielele ya ngundumanena mpoka, okupulakena oshizemo shohofa, aapolosi oye ya noombwa niivugati e taa dhenge kehe gumwe a li mpoka pwaa na ondjooolola. "Onda londwa kaalumentu ya tatu mboka ya kala taa tuntu ndje pwaa na ondjaalela sigo nde ki iyadha owala ndi li mOnandjokwe moshipangelo te pangwa omatuntula 10 molutu," osho gwaAkito a hokolola uuyina mboka we mu adhele.

Oshihupe shonomola ndatu (3) komumvo omutimulongo kehe, inashi kala we shi na elago kegumbo ndyoka. Eti 10.7.1983 natango petata

### Ehekeleko

**Ombelewamusiki muELCIN otayi hekeleke omuselekadhi, oothigwa naakwanezimo lyanakusa tate Filippus Kamanya, Onyaanya. Ye okwa kala oshilyo shookuume komusiki muELCIN, pamwe naatetekeli yakwawo mbaka: meme Hileni Elago natate Martin Shilongo. Itatu etha oku ya lila oya li yekongo lyetu. Eimbilo 629**

M. Kambudu  
Ongwediva

Tala kep. 5

## Omahepeko natango oshikwiila shoyendji moshitopolwa shiita

Omukuluntusikola pEendombe, mOngandjera, Satiel Asino (37), okwa fadhuka po egumbo lye, sho a kala ta kongwa komakakunya okuza 6.5.1989. Omusamane Asino okwa adhikile a zala ohema yolwaala lwebandela lyoSWAPO nokwa lombwele omakakunya kutya ye oshilyo shoSWAPO.

Konima Asino okwa ka kundana, kutya omakakunya oga li pegumbo lye tage mu kongo, noge shi ninga ikkando oyindji. Oshinima okwe shi tseyithila ombelewa Untag a tale nkene tayi kwatha moshinima.

MOkalongo, omulongi Festus Mwetupunga (30) okwa dhengwa nayi komakakunya 4.5.1989, sho aniwa a zala ohema yolwaala lwebandela lyoSWAPO. Osha ningilwa momukunda Olwiili. Aantu oyendji moshitopolwa shoka, otaa hokololwa ya monithwa iihuna.

## Omimvo 16

Dha za kep. 4

lyondatu yuusiku okwa ti egumbo lyawo osho lya ponokelwa kaakwiita ya SA. Oshiponokela osha kala ootundi mbali netata, ihe omuyengeli okwa li ta pepele oomwenyo hamano dha adhikile megumbo pethimbo ndyoka, kape na ngoka gwa mono oshiponga, mwa kwatelelwa okahana koomwedhi 9, osho ehokololo lya ti.

Omakakunya oga ka shuna mo natango 24 na 28.10.1983. Iikando mbika, inaga umba we, oga hadha ashike egumbo. Onkelo yegumbo, Jakob Panduleni yaShivute, okwa adhikile a taaguluka ongamba 1980, sha za mondjahi ya yina a lemanekwa pwaa na omatompelo. "Ohaye ya ihe yu uvite aniwa Panduleni omo a li megumbo," osho omukulupe a ti.

MuAguste 1988, Panduleni okwa kwatelwa kongamba manga e li miilonga yuupolosi wongundu, e ta kala a dhigininwa mOshakati. "Otwa kala hatu mu ulukilwa tse hatu lombwelwa, aniwa ota mangululwa. Ihe oshikando sha huginina oku mu mona, 17.3.1989, okwa li a kundipala unene kolutu, ngiika omahepeko," osho omuvali a popi ye ta sizimana ta holeke oluhodhi ndoka lwa li talu monika nale momeho ngoka taga kengele omahodhi.

Ehokololo ndyoka ihaali gandja we oomposi dha gwana po, sho ya lombwelwa kaapolosi, aniwa omwana oye mu gandja kAcuba, a shune kuAngola. Pahokololo lyomukulupe oshinima shoka oye shi tula momakutsi gombelewa yuuthemba womuntu, oku ya kwatha.

Omusita gwOmbulu, Bauer mOshakati, ngoka omukulupe e mu hokolola hewa nepandulo, kutya okwa kala ta kondjo a hupithe omwenyo gwokamwana, naye ngashingeyi aniwa kee na we ehokololo lya ya kokule moshinima sha Panduleni.

Omulongi Otilie okwa pelwe oshipundi shevululuko 1983 sho a kondjo noshilonga shuulongi omimvo 36. Tatekulu Eliaser Shivute, ye ina ya manga mopenzela, ihe efolo ote mu tumbula ngeyi: "Ngame hwepo ishewe muukolele." Iita yoshilongo shika osho tayi ka thiga ngeyi iyadhi yuuwehame koomwenyo dhoyendji.

Amushanga gwOmukwetu

Vaino yaShilongo (24), pOndangwa, manga ta zi aniwa poshigongi shaaniilonga pOngwediva 1.5.1989, omakakunya gatatu oge mu adha noku mu pula, omolwashike a zala iinima yolwaala lwebandela lyoSWAPO. Konima yomayamukulathano, Vaino okwa nukulwa nokwa dhengwa noongonyo.

Omulongi Gebhard Utoni (25), naye okwa adhikile komakakunya 7.5.1989 manga ti idheula olutu komatango (7.30). Omakakunya oga li tage ende kolupadhi. Oge mu thiminike ga ye naye kokule negumbo lyaandjawa, nkoka ge mu dhengele noga kambadhala oku mu manga, e ta hutuka mo miikaha yago.

Omahepeko kaakwashigwana omolwongundu yaSWAPO, oga tula ngashingeyi omulyo ogundji moSWAPO, ngashingeyi kehe gumwe okwa hala ashike moSWAPO nonando otamu dhengitha aantu. Epangelo lyaSA olya tseyika halidhenge aantu iinimamyoka yishili.

Natango aakwashigwana oya adhika komakakunya pOhangwena 4.5.1989 manga taa zi kedhimbulukwo lyaCassinga kOngwediva, ya zala iikutu yolwaala lwebandela lyoSWAPO. Nicanor Mundjele, iikutu ye ayihe oya tuulwa po, ta thigwa ashike mokambulukweya kokohi. Iimaliwa R500,00 noshimbele she oya yiwa nayo.

Natango moshiningwa nima shoka, Tuhafeni Ndeitwa, okwa kuthwa ohema, R250,00 nokagala kokomutse, manga Policarpus Nghoshi Mhanda, a kuthwa R50,00 nofilipusa, Hakan-dume Sevelinus ta kuthwa okagala nombaikitha; Immanuel Lungameni okwa yugwa iinima yondjundo tayi tengenekwa R1 500 naHangada Elifas okwa yugwa R100,00 neyego lyopombanda.

## Elyataulepo lomapya la futwa omakutu oufila

Pauyelele ou wa dja mOtunganga, popepi nOhaukelo omatuwa oita omabefela naamwe oKufuta, kumwe e li omuwoyi, okwe uya 19.4.1989. Ebefela limwe lonomola

## OMUMBISOFI GWONGELEKI ONKWA-LUTHER MUSOUTH AFRICA A TALELEPO

Dha za kep.1

Namibia otali manguluka.

Omumbisofi okwa ti yo natango onkene taye ke ya koshituthi shemanguluko lyaNamibia, ihe otaa ka thiga po elaka, opo Namibia a ka ye wo koshituthi shemanguluko lyoshilongo shawo kuSouth Africa, uuna tali manguluka moka natango yamwe ye na okusa, opo mboka taa ka hupa ya ka hokolole, ngaashi shi li muNamibia, osho a holola mekundo lye koshigwana shaNamibia, Fil. 4:6-7.

Epulo kombinga yonkalo muSouth Africa hoka kwa za oyendji yomaakwiita mboka taa kondjo muNamibia, okwe shi yelitha ngeyi: South Africa okwa dhimbulula kutya epangelo lye kali shi lyopauyuuki. Pompito ndjika ota ti oku wete lela kutya SA ota ka gandja Namibia mepangelo lyAanamibia yoyene.

Kombinga yopolotika yaAatiligane muSouth Africa, okwa ti kutya ope na etopoko enene. Oyendji muSouth Africa otaa landula nokukonakona iiningwanima yomuNamibia pethimbo lyiita. Oye niwe komaipulo nokohenda, unene



Vaino Shilongo

N.10A ola yandja oshako youfila peumbo lomushamane Daniel Kalomo, nadikwao mooNangobe Hamudjebo nomooKalomo Haindongo.

Eti 6.4.1989 omatuwa oita okwa matukile momapya ovashamane aya eshi kwa li a finda kolwoodi lipyu eli la ningwa momukunda oo fiyo omokwaaluka kwao ndele omayya taa lyatwa po shekesheke. "Oikulya yetu ei ya kanena momapya oi fike tuu shili poshako imwe youfila?" osho ovashamane tava pula nonghumwe.

Ehepu otali ti, omakutu Eembulu oo oko e li natango kOtunganga, inaa tambulwa. Eembulu nadi ye di ke a taleko. "Fye otwe a tila navali inaa henena mwaashi twa kanifilwa," osho ovashamane tava ti.

komalualo gawo ngoka ge ya kiita kuNamibia.

Omumbisofi Buthelezi okwa holola kutya omwaaal ogwindji gwAatiligane muSouth Africa mwa kwatelelwa aagundjuka ogwa tala ko omukalo gwiita kaagu shi omwaanawa, itaagu tungu sha, nosha yela kutya sho ye na etopoko ndino, omukalo ngoka otaye ke gu ekelahi," osho a yelitha.

Pethimbo lyetalelopo ndika mongeleka yaNii-pa; omumbisofi Dumeni gwa ELCIN yelithila Buthelezi onkalo yaNamibia, okwa ti na tseye kutya oku li naantu ye li moosa. Okwa tseyitha wo kutya omuyenda pamwe naButhelezi inaa vula okukala pamwe naakwanegongalo pethimbo ndyoka, omolwomukithi gwe mu adha mondjila yawo.

Ethimbo ndyoka okwa adhika e li moshipangelo shaNandjokwe ta mono eyakulo. Okwa tseyithwa wo kutya oku li po hwepo notaka shuna mbala kegumbo.Kombinga opwa kundanwa kutya okwa shunithwa nodhila kegumbo nokwa thiki nombili.

Taati Kanana

# SWAPO OTA KALA MUNAMIBIA, MBULU OKOKAKAMASA



Omathano agehe gomepandja eti 6 neti 7 ogohigongi shedhimbulo lyaCassinga mOngwediva 4 . 5 . 1989

**ONGWEDIVA - 4.5.1989:** Ombulu olye yi lombwele SWAPO a shune kuAngola, e li mevi lyawo? Ngoka ta popi SWAPO na kale e shi shi, ota popi oshigwana shaNamibia, osha li shu uvika mewi enene tali mbolongondja mombako 4.5.1989 moshigongi shaSWAPO mOngwediva, sho tashi yamukulwa koshigwana sha tengenekwa 12,000 nomaimbilo gekondjelomanguluko.

Okuza pohetatu yongula yesiku ndyoka, sigo otundi yotango pomutenya, iihauto oya li tayi kunguluka tayi zi kuuzilo nokuuninginino yu udha omangathithi gaantu taye ya moshigongi. Olwaala lwepandela lyaSWAPO, muumbulau, muutiligane nomezizi, olwa li talu togakana nomalundu agehe mOwambo, unene mOngwediva.

KAanamibia yomoshitopolwa shono sha hepe-kwa kiita nokomatilitho gopautondwe, osha li sha fa ondjodhi. Engathithi olya ngundumane-

ne mOngwediva, komitise dhalyo taku yelela e-pandela lyongundu yopashigwana, oSWAPO.


“Olya kosha ombinzi yaamwanyoko ndjoka ya tikila moCassinga, mOshatotwa muZambia, mombaanga yaShakati nomOkahenge, osho omupopi a dhimbulukitha aapulakeni ye tu ulike kepandela lyongundu ndyoka lya li lya yeluthwa pombanda.

Osho oshigongi shotango shaaye shaSWAPO momimvo 13 dha zi ko. Osha li sha ningwa nelalakano okudhimbulukwa edhipago lyAanamibia konyala 700, aakiintu nuunona mokamba yaCassinga 4 . 5 . 1978, ketanga lya SA. Ayehe oya li ya landula iiningwanima, yo taa pulakene nonkumwe, ihe omegundjilo.

Kokule kashona okwa li taku monika omakano getanga lya SA ngoka nago ga pulakene nokuthaneka omathano. Iihauto yaUntag nayo oya li tayi monika mpaka naampeyaka tayi inyenganyenga okutonatela omainyengo gaakwashigongi moondjila nokutala shono SA ta-vulu okuninga.

Mombinzi yaCassinga, osho omupopi a tsikile natango ti igidha mombako, omo mwe tu zile.

Tala kep. 7



## LINONGAMBA BAKA A MONIKA

Omushamane Linongamba Baka okwa kwatelwe eti 13.10.1988 fiyo olwopu Febuluali 1989. Ovakwaita vaSouth Africa ova kala tave mu holeke nani osheshi ve mu lemaneka komaulu, efiku ve mu kwata. Omafiku aeshe oo ova kala ve mu tula moipandeko nokape na nande epangulo lasha, nokonima yomafiku ove mu efa tava ti na ye keumbo.

Ashike fiyo opaapa oku li moshipangelo mOshakati. Ame ou omukwenedimo, oshinima osho osha udifa nge nai lela, nohi na nande efiku nai shi dimbwe. Ame ohandi lombwele ashike omakakunya Oma-laule, kutya osho va longa oshii shi dulife kovakwaita ava Vatilyaana.

Kondjeni Hangula  
Luderitz



**Omuwiliki gwoNanso, omusamane Shikongo ta popitha oshigongi shoka yamwe taa tengeneke osha li naantu 15,000**

**Dha za kep. 6**

omukumo nguka, oonkondo nuukumwe mboka oshigwana mwe ya mu ulike nena mpaka, onke omutondi te tu tala ngashingeyi nohoni onene.

Moshigongi shoka oshigwana sha li shi lilwe po komwaalu umunene gwaagundjuka, osha hiywa shi kuthe oshitopolwa shasho mekondjo lyemanguluko ndyoka li li natango metifa. Tu yeni komainyolitho, uuna ga thiki, tu yeni kehogololo kuuketha uuna tali ya. Tu tonateleni omidhingoloko dhetu nawa notu tseyithe mbala shono sha ningwa mo. Nomukalo nguka opo apeke tatu kwata moshipala oonkambadhala dhumutondi okuyonapo oshigwana, osho ya kumagidha.

**Sebulon Ekandjo**

Ethaneko ndyoka tali utha omukalo gweinyolitho nkene gu na okweenda, olya holoka omasiku ngaka moshifo shopapangelo (Gazette). Elalakano opo oshigwana shi gandje wo omadhiladhilo gasho, kutya otashi gu tile ngiini. Omadhiladhilo goshigwana moshinima shika, oga tegelelwa sigo ongula (16 . 5 . 1989). Konyala ethaneko olya pewa iiwike iyali ayike.

**Ngoka a gwana okwiinyolitha**

Kehe gumwe a gwanitha omvula 18, nenge ngoka te ke dhi tsakanitha pethimbo lyeinyolitho lya tameka. Nenge ngoka a vaelwa moshilongo nenge a kala moshilongo omimvo ngele onshona ne (4) nenge okanona kaangoka a vaelwa moshilongo nokwa gwanitha omimvo 18.

**Eindilo lyokupeululwa okakalata**

Ngoka wa nyolithwa nowa pewa okakalata koye kehogololo, ihe ohaluka okakalata hono ka kana, nenge ka tuulwa po nenge ka yonukapo komukalo kehe, oto ya natango kombelewa yomai-nyolitho u gandje ehokololo lyoye, opo u pewe kalwe, nenge ehokololo lyoye oli itaalwa.

Uuna omwiinyolithi a adhika e na okakalata keinyolitho, e ta si, mboka ya thigala po okakalata hoka naye ka shunitha kombelewa yomai-nyolitho.

**Ethaneko lyomukalo nkene taku inyolithwa omolwehogololo**

tho, mbala ngaashi tashi vulika.


**Egeelo moshinima sheinyolitho**

Ngoka ti isitha mwene uunye owina, nenge ta sitha yalwe uunye yaa nyolithwe, te shi ningi mwene nenge ta longitha gulwe, ti iyetele mwene omaimbo nenge te ge etele yalwe meukililo nenge nomukalo gwa dthingililako, te shi ningile mboka ya gwana okwiinyolitha nenge inaa gwana, okwiilongela egeelo.

Egeelo otali vulu wo okuya kungoka ti ikongele okakalata keinyolitho shaa shi pamukalo, ngele:

—ota longitha omathiminiko nenge omatilitho komuntu kehe nenge komukwanezimo lye nenge komaliko ge nenge te etha nowina omathiminiko ngoka ga ningilwe omuntu kehe paveta nenge pwaa shi paveta, nena omuntu ngoka okwi ilongela egeelo.

Egeelo lyomuyoni moshinima shokutulila yalwe eimbo meinyolitho, pakaparagrafu (a) nenge (b) komoveta ndjoka R10 000 nenge ondholongo yoomvula ntano nenge ayihe kumwe iyali. Negeelo ekwawo moshinima shoka R6 000 nenge ondholongo yoomvula ndatu nenge ayihe kumwe iyali.



**Li imonena**

Embo OMAYELETUMBULO GAA-WAMBO, ngaashi lya tseyika shito nohali pulwa olwindji, olya holoka ishewe. Omunyolelo ogwa opalekwa nokuninga omaendekululo omashonashona mpoka sha dhimbululwa tashi pumbiwa.

Otali monika mOstolamambo kOniipa, Oshakati, Okahao nomOkambe-sa.

Ohali gu R6-00 adhike.

# ESIKU LYAANIILONGA MUU-MBANGALANTU WANAMIBIA

Uumbangalantu waNamibia owo ombinga ndjoka ya tseyika nawa ya hepekwa nayi konkalonayi nokuukoloni wa SA. Aakalimo kombinga ndjika oye shi okuhokolola omahepeko ye ga ningilwa komalutu, koomwenyo, komaliko nokokukala kwawo akuhe. Esiku 1 lyaMai olya kala shito hali dhanwa kaaniilonga mUushimba, opo ya kundathane nokutungathana moonkalo dhiilonga yawo.



Mesiku lyaaniilonga, moshitopolwa wo shOwambo, aaniilonga oyendji oya kuthile oshitopolwa shokudhana esiku lyawo

KUumbangalantu waNamibia osha kala oshidhigu okugongala mesiku lyaaniilonga omolwomatilitho nomambandameko. Momumvo nguka gwelago esiku 1 lyaMai 1989 lyaaniilonga olya tumbalekwa lwotango montaneho okugongala pamwe moshitopolwa shika pOngwediva. Epitikilo olya gandjwa kaakuluntu yiilonga, kopolisi ya SA noku UNTAG paindilo lyaaniilonga yoyene.

Etumwalaka lya zile kombelewa yaaniilonga kOvenduka, olya holola ondjokonona yaaniilonga,

nga, kutya oya hala okukondjitha omutondi nuupika we auhe, yo yi ikuthe kofi yepangelo lya SA. Aaniilonga otaa indile ya l onge ootundi 8 mesiku, yo ya futwe oondjambi dhomahupilo yo naya kale momahala ga gamenwa.

Omupopi gumwe moshigongi shika okwa ti, aaniilonga oye na oompumbwe dhopankalamwenyo nodhopalutu. Oya hala ya pewe oondjambi dhaa shi dhondjala. Mokupula oondjambi dhawo, aaniilonga otaa ti itaye dhi tsile oongolo, ihe oye na oku dhi pewa, oshoka oye dhi longela.

Okwa tsikile ta ti, ayihe mbika aaniilonga otaye yi ningilwa ngele yi imanga kumwe. Aaniilonga

oye na okukala monkalo yopapolitika, oshoka oye li muukoloni.

Okwa yelitha ta ti omahangano gaaniilonga oge lile po okukondjitha uuthemba waaniilonga. Onkalo ndjoka yaaniilonga ya dhipagelwa nale moofaalama kOombulu, taa pakelwa po iingulu, aaniilonga oye yi nyanyala.

Aaniilonga otaa ti, omuthipimbinzi ehala lye aluhe okulikola nokukala e li poshitaafula manga omuthiminikwa ta kala kofi ongombwa tayi li omasipa ga za mokana komukengeli. Aaniilonga Aanamibia oya ti, ayihe mbika oye yi dhimbulula noitaa tsu kumwe nayo. Mokutota po omahangano gaaniilonga otaa ti oshinima she ya pula oomwenyo netiko lyombinzi.

Oombulu kadha li dha hala uukumwe waaniilonga, ihe oya ti kutya yo oya sindana. Natango tuu SA ina hala okukutha aaniilonga muupika we. Aaniilonga oye shi yelitha kutya oye li moluhepo moka ye li monkalo ombwanawa. Oya ti, opo ya halakanithe omaupika agehe ga ze mo muyo, oye na okukala iilyo monkalo yopapolitika omolwuukoloni.


Aaniilonga oya tokola okwiimanga kumwe nokuyambidhidha oSwapo yaNamibia. Oya ti oya hala epangelo lyombili lyaSwapo li ye koshipundi mbala, moka tamu ka kala onkalo yomuntu a shitwa kuKalunga.

Okwa tseyithwa eindilo kaagandji yiilonga mboka kaaye na ko nasha niinima yopapolitika. "Aaniilonga lombweleni aakomeho yeni sigo taa uvu ko omahalo geni, ne mu longele kumwe metungombili lyoshigwana."

Onkatu yahugunina tu li muyo, omuniilonga nomukwashigwana kehe, ou ka hogolole oSwapo yaNamibia, opo yi ka tunge oshigwana shaNamibia mombili, memanguluko nomevathano. Omukalo gwomunakatongo SA, ngoka a manga aaniilonga komayulu yo taa longo, ogwa fumvikwa kaaniilonga mesiku lyetu, osha tseyithwa kugumwe gwomaaniilonga moshigongi shoka.

Oshigongi shika osha li shotango kumbanhaluntu woshilongo, osha tamekelwe negalikano komusita Nakwatumba. Omayovi gAanamibia oga holokele okuholola kutya oya vulwa kehe shimwe sha SA. Mokati komutenya moka ya thikama ethimbo lyuule wootundi 4-5, oondigolo, oondjimbo niipopiwa tayi tungu, oya

Ngoloneyandjayi, gandja epangelo koshigwana, osho sha kala eindilo lyaaniilonga mesiku ndyoka, ngaa-shi tashi leshwa methano ndika.



Mehistoli lyekondjelo lyaNamibia, omwedhi Apilili '89 otagu ka ndhindhilika kutya omwedhi gwetiko lyombinzi, kamana nogwomahepeko koshigwana ashihe. Yimweyimwe yominingwanima yomwedhi ngoka otayi landula mpaka:

- 1.4.1989 — Aakwiita yaSWAPO 120 nomakakunya 20 oya sile momalugodhi ngoka ga tukuluka pokati koongundu ndhoka mbali mOwambo nOkaoko. Aakwiita oyendji koombinga adhihe nayo oye ehamekelwa mo.
- Aakwashigwana oyendji momudhingoloko gwOluno, esiku ndyoka oya ponokelwa komakakunya gomoBatalion 101 noohema dhawo dholwaala lwepandela lyaSWAPO odha tuulwa po nenge dha fikwa po.
- Ekonia Ngenokesho (22) okwa yahwa mokugulu pethimbo lyomaumbathano pokati kaakwiita yoPlan noya SA esiku ndyoka mOkahenge.
- Egumbo lyomusamane Jakob Wedeinge nalyo olya pila mo molugodhi ndoka.
- MoKavango, omusamane David Haidula kwatwa po komakakunya noyendji oya mono omahindo ogendji, manga taa dhana etulomiilongalyokatokolitho 435 (Namibian 4.4.89).
- 2.4.1989 — Ololi onene yu udha aakwashigwana oyu umbwa kokahauto kAatiligane pokati kOshomeya (Tsumeb) nOshivelo. Aantu yaheyal oye ehamekelwa mo moshiningwanima shoka. Sigo onena inaku uvika sha kekonakono lyoshishinima. Olweendo olwa li talu zi ketsakaneko lyomuwiliki gwaUntag moNamibia omusamane Martti Ahtisaari kOvenduka.
- Omalugodhi omanene oga kondjo pokati kaakwiita yaSWAPO noya SA mOndeshi-fiilwa, popepi nEndola nOnawa mOmbalantu. Oomwenyo ondjindji dhaakwiita koombinga adhihe odha kanene mo nenge dhe ehamekelwa mo.
- Natango esiku ndyoka mOkavango, mbaka yomadhina taga landula oya ehamekwa kii-lyo yombatalion 202: Kaarina Namusinga; Anna Muranda, Nkarapamwe; Petrus Hausiku ngoka a kala ta pangwa oshilalo shombele moshipangelo naAmon Immanuel ngoka a dhengwa sho a zala oshikutu sholwaala lwepandela lyaSWAPO (Namibian 4.4.89).
- 3.4.1989 — Ongundu yaanasikola tayi zi kuAndara yu uka koRundu, oya thikile mekondeka lyomakakunya mondjila, mpoka ya dhenge-lwa. Omusamane Shikwedge okwa gapulwa nomupini gwombike e ta thigwa po itaa vulu okwiikwatha. (Namibia 5.4.1989)

## Apilili omwedhi gwetiko lyombinzi nomahepeko

- 4.4.1989 — Omalugodhi pokati kaakwiita yaSWAPO noya SA oga ningwa mOnamugolo, popepi nOshaango. Oomwenyo odhindji odha kana koombinga adhihe mbali.
- Omakaspeli inaga tseyika omwaalu oge ya momukunda Oilagati popepi nEenghango. Oga thigi omapya 8 ga lyatwa po thilu.
- MEnghandja popepi nOndobe, egumbo lyomusamane Filippus Kandume, olya lyatagulwa po thilu komakaspeli, konima yolugodhi pokati koPlan nomakakunya ga SA. Aakwiita yatatu yoPlan nayo oya sila mo, e taa thigilwa aakwashigwana ye ya fuvike.
- Omutonateli guusiku, omusamane Elifas Kuushomwa okwa kana piilonga ye sho a yakwa po komakakunya pOmeege, mUukwambi. Moshinkoti sho a landulwa ongula sho kwa shi, omwi itsuwa etente lyombinzi. Konima yomasiku okwe ki itsuwa momopangelo shaakwiita mOndangwa a tetwa okugulu. (Namibian 5 na 11.4.1989)
- 6.4.1989 — Egumbo lyomukulupe Selma Hamundjebo, olya pya po konima yoluhodhi oludhigu pokati koPlan nomakakunya mOtunganga. Oondunda dhomagumbo odha pila mo nomaliko gadho.
- Omapya lyomusamane Daniel Kalomo; mbo kaHaindongo naNangombe Hamundjebo, oga lyatagulwa po thilu mOtunganga esiku tuu ndyoka
- Konima yomalugodhi omanene, aakwashigwana mUukwauludhi oya haluthwa okutala omudhimba gwomukwiita gwaSWAPO, gwa mangelwa ketavela lyekaspe-

li. Omapya ogendji oga lyatagulwa po naantu oya dhengwa momukunda ngoka.

- 11.4.1989 — Omunangeshefa gwedhina inaali tumbulwa nowino, okwa kala ta pangwa uuwehame womahepeko, mboka pwa tengekwa kutya ehuli lye olya monena mo oshiponga. Osha ningwa pOshikuku. Aanasikola mOseko yaNuujoma pOshikuku, nayo oya li ya dhengwa.
- 12.4.1989 — Aalongi puElim; Junias Nakaande naEf- raim Shivute, oya dhengwa komakakunya gaatiligane sho ya makelwa okugandja endhindhiliko lyoDTA, yo e taa gandja lyongonyo yaSWAPO. Junias okwa li e ehama unene. Oonguwo dhaakwashigwana esiku ndyoka odha tuulwa po nenge dha fikwa po.
- 14.4.1989 — Egumbo lyomusamane Pendukeni Jakob, olya ponokelwa komakakunya uusiku mOkando. Konima yomahalutho nomatilitho omanene, omakakunya oga shuna ongula sho kwa shi.
- 23.4.1989 — Omulongi mEndola, Israel Kafula (40) okwa dhengwa nayi komakakunya sho ge ya megumbo uusiku. Egumbo olya hadhwa nayi.
- 26.4.1989 — Uunona uyali owa topelwa koshitopitha mElamba nowe ehamekwa nayi.
- 30.4.1989 — Omuyevangeliste Andreas Namweya okwa hangika komakakunya meumbo laye mOhangubu popepi nEndola nove mu fudika nomwenyo iikando oyindji sho itaa popi mpoka pu na SWAPO. Oye omukulupe gwomimvo dhi vule 60.


## OMAKANDA GE EGEKE OMAKUYA GAGO



Aanashilonga ya ELCIN, omuyevangeliste Abed Kandongo methano ndika kolulyo, nomuyevangeliste Markus Ambuga, ayehe mu ELCIN, oye geke omakuya gawo sho ya ithanwa komwene gwoshilonga kevlululuko lyaaluhe 30.01.89. Ayehe yaali oya adhika moshipundi shevlululuko konima yomimvo odhindji sho ya kokola omikunda dhomUukwambi nevaangeli. "Mboka taa kunu nokulila omahodhi oyo taa ka teya nenyanyu lyopombanda Eps. 126:5



Oshigwana ngashingeyi itashi hepekwa we ku SA naapiya ye, unene sho te shi pula ngele osha telekela SWAPO iikulya. Ngashingeyi oshigwana otashi makelwa shi gandje endhindhiliko lyongonyo e tashi dhengwa ihe nawa. Nomushika omakakunya otaga sindana tuu? Ominwe mbali adhike, sho ishewe odha halakana (tala methano pombanda), itadhi eta esindano. Shila naye dhi tonye, dho dhi tunge uukumwe mboka tau kondjelwa koshigwana. Uugoyoki kau na siku u sinde uuyuki.



# De Cuellar nomakakunya pondje yokamba



Konima yootundi 60 dhengambeko lyomakakunya mookamba, omakakunya oga li ga piithwa mo ishewe ga ka hadhe omidhingoloko. Ngashingeyi koombinga adhihe, otaku zi oonkundana dhomahepeko.

Hamushangandjai wOiwanahangano (UN) dr Javier Perez de Cuellar ke uditeko kutya omolwashike omakakunya a SA tae linyenge natango pondje yeekamba konima yomafiku 30, eshi okatokolifo ka ya nale moilonga.

Hamushanga de Cuellar eshi okwe shi ngo ngota konima yetokolo lOkakomisi kopongaba yaNamibia naAngola, omakakunya vati a pewe natango oivike ivali okuhada SWAPO momikunda oo a tokelwa okushuna kuAngola. Okakomisi oka ongalele 28-294.1989 mOkapa.

Epulo kutya omolwashike hano omakakunya natango e li pondje yeekamba oli li moshwana ashishe shaNamibia. Omapya otaa lyataulwapo novakwashiwana vahapu otava hepekwa nokupulwapulwa oixuna opo va mona SWAPO. Omushamane de Cuellar okwa pula omutumba wOraata yeameno UN, kutya omolwashike hano omakakunya itaa ngabekelwa meekamba fimbo eti 15.5.1989 inali fika?

Pankundana ndjoka ya thiki lwahugunina, esiku aagaluki yotango Aanamibia itaa thiki we 15 . 5 ngaashi sha li sha thanekwa, ihe otaa tegelelwa 22 . 5 . 1989. Osheendo showina shiilyo yoSWAPO, osha thikile muNamibia 10 . 5 . 1989 okukonakona onkalo ngele otayi opalele egaluko lyoshigwana shoka tashi zi kombanda. KOwambo osheendo osha tegelelwa shi thike 12 . 5 . 89. Omukwetu ina tseyamanga oolye ye li mosheendo shoka.

## Ova shangela nge tava ti.....

### SA we tu pukitha nale

Tango ote popitha Aanamibia mboka mu shi shi, kutya otatu longele Namibia. Ngame gumwe nda li omukwiita gwa SA moka nda za mo molwashoka nda mono kutya onda puka nonda loloka uukoloni. Onda hala okukumagidha mboka mwi itula mu South Africa, pavuliko, omakumagidho gaakwashiwana oga adha ndje.



### Ino lishilila ongodi mofingo i ku dipae

Onda lesa mOukwetu No. 2 / 1989 kombinga yomakwafo omoixwa moshwana. Onda kundana kutya oshiwana oshilipipo tashi mbebelekwa kovahanauni, omakakunya oo omalongifwa komutondi SA.

Osha yela lela kutya shiwana, oinima ei ito i pewa ngeno osheshi u holike ile e wete wa fya ondjala. Ngeenge oku na nondjala yoye, omolwashike ha xwike po omaanda oye oilya nominaliko oye? Omutondi okwa hala u ninge kaume kaye, ove u mu hoolole, ye a ka ye koshipundi a twikile oku ku hepeka natango.

Eshi ngeenge owe shi mu ningile, osha fa omunhu ta kufa ongodi ndele te i dingile mofingo ndele ta shili a diinina, ongodi ei otai mu li nde ta fi. Shiwana inatu longeni oixuna i fike apa, ngeenge ope na SWAPO a hala okuteta mo ongodi mofingo yoshiwana, tu mu yambidideni.

### Kotokeni Penina Zambia

### Ethimbo lya hupu ko, olyokutala mpoka wa thikama

Methimbo lya piti, oyendji otwa kala ngomakuthikuthi mefuta, ngoka haga kala taga telaganihwa kombepo. Ethimbo ndika olyokuninga etokolo, nokutala mpoka omuntu wa thikama. Tu kutheni oshitopolwa shetu mekondjo lyemangu-



Okuza Mai 1, epandela lyaSWAPO olya kala tali monika komiti odhindji mOndonga. Methano ndika olya tsilikwa pokati kOndangwa nOnethindi nolya thanekwa kOukwetu manga omakakunya inaage li tsulula ko

Otandi gandja ombili koshigwana shaNamibia montaneho yoyendji, komuleshi gwOukwetu nenge kukehe gumwe, ngame ayihe onde yi gandja montaneho yopakushanga nokandi na kona sha nokulandulwa ku SA, oshoka shono nda longithwa ku SA, kutya opailonga nenge pamadhiladhilo, osha kala tashi fike ndje.

Unene ote popi kumboka ye na edhiladhilo lyokwiinenepekela South Africa, naamboka taa iheke nokutya SA aniwa ota longitha omadhiladhilo gomulele opo SWAPO yaNamibia yaa sindane mehogololo. Aamwameme, otwa pukithweni ku SA niimaliwa ye, onke natu galukileni koshigwana.

### Ndinoshisho Lot Ompunda, Oshitayi

# Ova shangela nge tava ti.....

luko mbala ngaashi tashi vulika. Ethimbo lyokufalwafalwa kuumbanda lya piti, tu yeni miilonga tu shi shi otatu sindana.

**David Angula yaAngula  
London**

## Naashika osha ningilwe mElondo

Omasiku 8.3.1989, osha li openzela yaakulupe mElondo, mUukwaluudhi. Aataambithi oya li ye ya noshihauto shoNissan, shito ohaye ya nomakasipeli. Ihe manga aakulupe inaa tameka okutaamba, opwe ya omahauto ogendji gomakakunya. Gamwe omabofola gamwe oge na omapandela ga SA.

Oga patulula okino naantu oyendji oye ya okutala ya ngundumanena okino, unene tuu aanona. Manga ta ngundumana, oya topolekwa uugala, taa zalekwa komitise, aniwa oyoopala. Mboka ye shi okulesha oye ekelehi, naamboka kaaye shi okulesha oya zala noohutatu komitise.

Aakulupe yamwe aniwa otaa faalele uutekulu wawo u ki isiikile omutenya, ihe paushili kau shi uugala womuzile noitau keelele omutenya, oshoka iimbapila yowala. Sho nda ka yelutha omeho, momusati gumwe omwa ngundumanenwa kaakulukadhi. Onda yi mo ndi tale, onda adha aakulukadhi taa wendwa nokupewa omiti.

Omakakunya oga patulula ombako koshihauto, tango oya tameke okwiimba omaimbilo gopambepo, nokonima oyi imbi taa simaneke Majola

## Tete ounona

Osheendo shOvanamibia va teelwa va alukile moNamibia okudja nena, tetetete oshounona tava tengenekwa 15,000. Mokati kavu omu na konyala ounona 200 ve ha na ovakulunhu vavo ile ovakulunhu vavo va fyaala manga kuAngola, osha di meedjonghundana domalongekido ealuko loshiwana.

Eenhele dOngeleki oyo omatambuli; pOkatana (RC); Anamulenge (RC); Okahao (ELCIN); Onekwaya (Anglikana); Sambiu (RC); Rehoboth (ELC); Windhoek (ELC) naKatima Mulilo (RC) opa fanekwa pa ka tamekwe diva ngaashi tashi dulika nehongo kounona ovo opo oilonga youteku wavo i ha iwe unene pokati. Ounona 3,000 otaku tiwa ove li koshi yeedula 11.

Oprojeka ei yokwaalula ounona, otai ka kondja opo i kwatakanife yo ounona nomapata avo diva. Otapa ka kondjwa ovadali va tuwe omukumo okukufa po oshilonga shouteku kounona ovo ve he na vali ovakulunhu. Onhele yowina kounona veefiye otai ka kala mEnongelo loyayakuliongalo mEngela; moTshandi nomOvenduka.

ulukile SA naayenda moshilongo shetu (UNTAG), kutya Namibia okwa hala shili emanguluko.

Ehalo lyaaniilonga naakwashigwana ayehe kUumbangalantu waNamibia oye shi endulula olwindji moshigongi shoka kutya: "Tse otwa hala iigongi ayihe yi na sha nonkalathano moshilongo naayihe yoSwapo yi tameke okuningwa pwaa na uumbanda ngaashi shika shaaniilonga sha manguluka: ("Vote for freedom, vote Swapo").

**Taati Kanana**

gwawo nokonima ishewe otaa imbi taa sheke SWAPO noku mu shundula nokusheka omizalo dholwaala lwepandela lyo SWAPO ndhoka dha li dha zalwa kaakwashigwana. Aniwa SWAPO iha gandja openzela nomiti noowenda ngaashi yo ye shi ningi.

Oya kumagidha aantu mElondo, kurya ehogololo sho tali ya, aantu naa hogolole SA. Evundakano olya li enenelela esiku ndyoka mElondo. Shigwana, sigo uunake to koko mokuthikamena omahongololo nomapukitho ngoka taga zi komutondi gwoye?

**S.U. Dhalondoka**

## Tse uugala otwa li twe u fike po

Omasiku 14.3.1989 potundi 12H30, otwa li twa adhika komakakunya gomoBatalion 101, omaloli gaali posikola yetu, Okashandja. Omutiligane

okwa li gumwe awike. Omakakunya oga tameke okuumbila aanasikola uugala, nando inaga popya nando onomulongi gumwe. Uugala owa li wa nyolwa: "Tse otatu kondjele emanguluko lyoshili."

Aanona oyendji otwe ya tuulitha po uugala nokwoopalekitha olugumbo ndoka lwa li lwa nyata naye. Uugala noombapila odhu umbilwa melambo nokufikwapo. Omakakunya oga li ga geye shili. Epulo lyago:

Omolwashike tamu fikilepo uugala wokugamena aanona komutenya? Oya yamukulwa komukulu-ntusikola: "Aanona sho ya kala omimvo odhindji mpaka opo ye shi okupya omutenya nena?" Nando omakakunya ga li ga tiliganeke omeho, inaga holola po oshiponga sha sha.

Sigo onena omakakunya kage shi mpoka ge li okudhiladhila onakuyiwa yoshilongo shika.

**I. Tegelela Amuthitu**



Petameko lyomwedhi nguka Omukwetu okwa falwa kaakalimo yomOshakati okutala iihuna komalambo omanene gatatu ga fulwa ga fa oombila muuninginino wOshakati. Momalambo gaali omidhimba dhaantu odha li dha tuntumana natango kombanda. "Oombwa niingulu ohayi kala mpoka tayi ya okukokota omasipa, osho ehokololo tali ti. Kutya aantu mboka oolye noya dhipagelwa peni nomolwashike kape na ngoka e shi shi.

Ezimba pomalambo olyo tali ku kundu manga omuntu u li kokule. Uukalinawa nelandulathano lyopantu mOshakati ihayi yalulwa we. Etanga lyaUntag nalyo pakuuva olya li lya tsuwa onyala oku ka tala iihuna mbyoka ya tenenekwa mokati kaantu.

# Taagulukila huka u tu kwathe

*Onkugo tayi kugu kegongalo Okando, ELCIN yomupangi e na uuseste-  
'a, e ye a longe pOkakilinika ketu mOkando. Okapangelo oka tungwa  
ka pwa noka zimininwa kepangelo, ihe inaka egululwa, oshoka inapa  
monika oSestela ngoka ta vulu oku ka egululitha.*

*Eiyambo lyoye otali pandulwa noonkondo. Eindilo lyoye li tuma ko-  
ndjukithi tayi landula kohi nokombelewa yaMatrona omukuluntu A.  
Ngaikukwete, kOndangwa.*

Omusita Ismael Amupolo  
Okando, P.O.Box 343,  
Oshakati  
9000

## IIDHUKUDHUKU OYI IHANENA OSHILONGO

G.S. 1-0352 DD 2094

SAW PERSOONSKAART  
SADF PERSONAL CARD

PERSONLIKE BESONDERHEDE  
PERSONAL PARTICULARS

Magsnommer / Force No. 8381557550 Rang / Rank

Van Surname: MBOKOMA

Voorname / Christian names: PHILIPPUS

SAW ID Kaart Nommer / SADF ID Card No.

SMag PF BM CF Komdo Comdo Inname Intake: Aug '86

Persoonsnommer / Civilian ID No. 6509301100055

Kerkverband / Religion Gebortedatum / Date of birth: 30.9.1965

NAASBESTAANDE/NEXT-OF-KIN

Voorletters en Van / Initials and Surname: GILLEN JOSEPH

Huisadres / Home address: ONDANGWA Verwantskap / Relation: VROU

Telefoon No. / Telephone No. C-Komp



Filipus Mbokoma ngoka a halutha aantu mOneputa

tali gandjwa kaapolosi kOndangwa, mpoka i-naapu uvika we sha kulyo.

### Hakeenghono ile kefininiko

Osho omumati waKalunga a xunganeka, Sakaria yaBerekia e shi unganeka, Elaka kali fi laye olaKalunga, Ta lombwel'oshiwana e na ku shi konga, "Hakeenghono ile kefininiko Ndele okOmhepo yange."

Kalunga a holokel'oshiwana shaye A hala e shi nangeke noupuna waye Namhongo e shi kufe moshiponga Opo shi he linekele mokuponga "Hakeenghono ile kefininiko Ndele okOmhepo yange."

Venya va lombwelwa ovEtestamendi likulu Israel manga a li moukulu Oshiwana sha li mokati komafininiko Ngafye moiwana yetu yaUninginino "Hakeenghono ile kefininiko Ndele okOmhepo yange."

Etumwalaka otali kwelengedja nonena Momatwi etu fye Ovanambia Shaashi nafye omoupongkwa tu li Omo fye twa hala tu dje mo shili "Hakeenghono ile kefininiko Ndele okOmhepo yange."

Efimbo twa kuwa kuKalunga olile. Elala twa indila kuPamba onale Vahapu eitavelo la fya outalala Vamwe omukumo nao wa talala "Hakeenghono ile kefininiko Ndele okOmhepo yange."

Osho sha ningwa medu letu otashi kumwifa Vahapu va kana nghee va kufilwe po Vamwe va fya va dipawa kuwalye Nande ongaha Kalunga ote tu kungihile "Hakeenghono ile kefininiko Ndele okOmhepo yange."

Okatokolifo 435 ka ponya luvali Lwotete osha li inaka longekidwa mboli Lutivali OUNTAG ya shelelewa, vali Eenghundafana da shuna moipundi luvali "Hakeenghono ile kefininiko Ndele okOmhepo yange."

Ohonde yOvanambia tai tika Ponhele yokuyya ombili pe uya eendila Eenghundafana adishe da ekelwashi MuNamibia omhepo yomutondi tai longo "Hakeenghono ile kefininiko Ndele okOmhepo yange."

Vanamibia nande she enda nai inamu sholola Vana vaMbangu nande sha ponya inamu lyekelela Pamba osho e ku pakwila ihe shi li po Omaudaneko aye otai ti fiyo opoopo "Hakeenghono ile kefininiko Ndele okOmhepo yange."

Mateus ota ti: "Inamu tila ovo tava dipaa olutu Osheshi otava nyengwa okudipaa omwenyo u li molutu Tileni ashike Kalunga kashili Pamba te tu timaumbwilifa shili "Hakeenghono ile kefininiko Ndele okOmhepo yange."

Odula ya ya otwa kumadilwa eitavelo Opo mekondjo tu ha kale neshololo Eitavelo olo elinekele la kola. Otwa itavela yo Namibia ta manguluka "Hakeenghono ile kefininiko Ndele okOmhepo yange."

Omukulu wonale okwe shi popile Kokutya: Yepongo oKalunga he i tondokele Poo kape na Shikukutu shi ha xulu Kape na Shidjuu shi ha shuna mhadi monima "Hakeenghono ile kefininiko Ndele okOmhepo yange."

F.J. Nashidengo

### OMUKWETU

Oye oshifo shOngeleki Onkwaevangeli paLuther yomu SWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulo Ekandjo.

Ondando yOmukwetu muNamibia naSouth Africa R8,00 komumvo.

Pondje yaNamibia na SA R20,00 komumvo. Ndjika oyo wo ondando yoshifo shomondhila.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa 9000, N A M I B I A.

ELOC PRINTING PRESS  
PRIVATE BAG 2013, TEL. (06762) 11, TELEX 56-3257 WK  
SWA/NAMIBIA